



UNIVERSITÄTS-
BIBLIOTHEK
PADERBORN

Universitätsbibliothek Paderborn

Denkwürdige Beiträge für Geschichte und Rechtsalterthümer

Wigand, Paul

Leipzig, 1858

32. Befreiung eines vom Kloster Brenkhausen gekauften Hauses von den öffentlichen Lasten; 1337

urn:nbn:de:hbz:466:1-30944

in loco, etiam ipsis ad hoc specialiter deputato, nobis eligent consilium idoneum et competens de tota nostra civitate, exclusis tamen totaliter se ipsis et nobis de electione facienda. — Sed et rursus et tunc illi electi ad consilium ad ecclesiam S. Kiliani ducentur in proxima sequenti dominica, et jurabunt officium consulatus super Sanctos, secundum antiquum morem. — Et in illud juramentum ponetur ipsis a nobis, qui tunc antiqui Consules erimus, ut in expiratione sui temporis eligant duodecim viros de praedictis Gilden totius civitatis, qui tunc eligant consilium subsequentis anni, secundum formam jam praedictam.

Ut autem haec electio a nobis perpetua, firma et inconvulsa et nostris successoribus in nostra civitate servetur, praesentia sigillo nostrae civitatis duximus roboranda. Datum anno D. millesimo trecentesimo quarto decimo in Assumptione Mariae.

32. Befreiung eines vom Kloster Brenkhausen gekauften Hauses von den öffentlichen Lasten. 1337. *)

Nos Theodericus Dei gracia Abbas Corb. recognoscimus, et in hiis scriptis publice protestamur, nos legisse et audivisse literas fidelium nostrorum, opidanorum in Huxaria, quarum tenor talis est: Noverint universi presencium inspectores et auditores, quod nos Consules civitatis Huxarie, communicato consilio veterum consulum, libertavimus ac presentibus perpetue libertamus Domine Abbatisse et Conventui sanctimonialium in Beringehusen domum suam lapideam in nostra civitate prope Grovam sitam, cum area sua nec non reliquis suis pertinenciis, ab omnibus vigiliis, exactionibus, que Schot dicuntur, et a quibuscunque juribus civilibus ad nos spectantibus, quibus ceteri concives nostri sunt astricti, cum persona religiosa, quam in ipsam domum pro tempore locare voluerint, que cum bonis suis predicta libertate cum domo gaudebit commorando in ea, veluti Religiosorum est consuetudo. Si vero persona aliqua secularis ipsam domum inhabitaverit, is faciet de bonis suis duntaxat, et non de domo vel area, quamlibet justiciam sive constitutionem,

*) Nach einer Randbemerkung hatte das Haus denen von Monnigshausen (Münchhausen) gehört.

quam ceteri concives nostri facere solent; volentes ipsos pro nostra possibilitate tanquam alios nostros concives fideliter defensare. Conductum est eciam, quod ultra structuram provenerit ad aream ipsius domus constructam, novum edificium, scilicet granarium vel habitaculum edificare ipsis non licebit, exceptis uno dormitorio, quod slapestede dicitur, horreis ac stabulis pecorum suorum et equorum, que ad sui indigenciam et utilitatem construenda ipsis presentibus licenciamus. Ne igitur hujus rei noticie aliquid lapsu temporis subtrahere possit oblivio, id presenti cedula commendavimus, sigilli universitatis nostre appensione firmiter communitate. Datum anno Domini M CCC XXXVII in die beati Thome Apostoli.

33. Schiedsrichterliche Entscheidung darüber, ob ein weltlicher Bewohner jenes Hauses bürgerliche Gewerbe treiben dürfe. 1347.

Cum ergo processu temporis post data literarum presencium dubium, altercacio sive dissencio orta fuerat inter religiosas virgines, dominam Abbatissam et conventum monasterii in Beringehusen ex una, et consules et cives Hux. parte ex altera, asserentibus civibus, quod persona secularis, licet coopidanus eorum, habitans in domo predictarum virginum, non deberet nec liceret ei, cerevisiam braxare et tabernare, nec deberet mercatum exercere publicum; predictis autem virginibus allegantibus in contrarium, quod persona et opidanus Huxar. libere et de jure posset emere, vendere et mercatum publicum exercere, quia de bonis suis exactiones et collectas una cum aliis civibus daret, ut tenetur, prout in litera superius est expressum. Nos igitur hinc inde arbiter et pro diffinitore electus inter partes supradictas diffiniendo pronunciamus et pro jure dicimus et conolizamus (?), prout propria dictat ratio et ministerialium nostrorum ac fidelium nostrorum, Consulum Montismartis, ac aliorum honestorum virorum providencia et districtione instructi sumus: Quod quecunque persona secularis, prout promissum est, predictam domum inhabitans poterit nunc et in perpetuum vendere, emere et mercatum publice exercere, nullo sibi obstante et prohibente jure canonico vel civili. Hanc sentenciam juris dedimus et pronunciamus anno Domini M CCC XLVII In die beati Mathie apostoli, presentibus multis honestis et fidedignis infrascriptis, scilicet Her. de Voltessen, Thiderico mone-